

## S'geit verby

## S'geit verby

Text und Musik  
Jacob Stickelberger

Wie män-gisch isch my Mue-ter mit mir als chly-ne Chnopf zum Arzt zum Dok-ter Fue-ter mit  
e-meLoch im Chopf dä Arzt het Jod dry-gos-se und gseit: jitz brünns de chly de sy halt Trä-ne gflos-se  
muesch nid grän-ne s'geit ver - by muesch nid grän-ne s'geit ver - by

1. Wie mängisch isch my Mueter  
mit mir als chlyne Chnopf  
zum Arzt zum Dokter Fueter  
mit eme Loch im Chopf  
dä Arzt het Jod drygosse  
und gseit: jitz brönnts de chly -  
de sy halt Träne gflosse  
(und ei Satz isch mer blibe):  
muesch nid gränne s'geit verby
2. S'isch wahr i mues mi zwinge  
so vor euch häre z'stah  
wil i no geng bim Singe  
so Lampefieber ha  
es isch mer neueme zwider  
und datrüg obedy -  
doch bsinn i mi de wider:  
muesch nid gränne s'geit verby
3. Wenns geit söttisch ender lache  
das Züg wo di so plagt  
das isch doch meischtens z'mache  
bis nid eso verzagt  
weisch hufe wüeschti Sorge  
gseh gärn ganz anders dry  
bereits am andre Morge -  
muesch nid gränne s'geit verby
4. So mänge gsehni schmunzle  
dür all sys vile Leid  
dür alli syni Runzle  
ke Spur vo Bitterkeit -  
grad dä find i gerisse  
wo glych no lacht derby -  
s'geit mängisch halt verschisse -  
doch -  
muesch nid gränne s'geit verby
5. So hani eine troffe  
däm isch sy Frou dervo  
und d'Chatz y ds Outo gloffe  
dr Sohn y ds Chefi cho  
de het er d'Stell verlore  
z'letscht geit dr Hund no y -  
was seit di z'fridni More? -  
muesch nid gränne s'geit verby
6. Was wotsch bim Psychiater? -  
lue dä doch sälber a  
ou dä spilt gärn Theater  
und isch nid besser dra  
i weiss: im Läbe tuet der  
mängs weh s'gseht eklig dry  
doch dank a Dokter Fueter -  
muesch nid gränne s'geit verby

Die letzte Zeile jeder Strophe wiederholen